



UNIVERSITÄTS-
BIBLIOTHEK
PADERBORN

**Rigor Moderatus Doctrinæ Pontificiæ Circa Usuras A SS.
D. N. Benedicto XIV. Per Epistolam Encyclicam Episcopis
Italiæ Traditus**

Sancti Rigoris Specimina Exhibens - Mense Decembri M DCC XLVII

Zech, Franz Xaver

Ingolstadii, 1747

Corollaria Ex Jure Canonico, Publico & Civili.

[urn:nbn:de:hbz:466:1-63759](#)



COROLLARIA *Ex Jure Canonico, Publico & Civili.*

1.

Leges Civiles pro Imperio fert Imperator cum consensu Statuum : Leges pro universa Ecclesia fert Romanus Pontifex , etiam absque consensu Episcoporum.

2.

Legum Pontificiarum solemnis Promulgatio ordinariè non requiritur alibi , quām Romæ. Unde Decretum hodierni Pontificis BENEDICTI XIV. quo privantur Sacerdotes Jurisdictione ad absolvendam sacramentaliter , extra casum extremæ necessitatis , personam complicem in peccato turpi contra sextum Decalogi Præceptum , vim suam etiam obtinet in Dioecesibus , in quibus non est promulgatum.

3.

Legislator vi directiva Legum suarum , quæ versantur circa materiam ipsi cum subditis communem , ita tenetur , ut illas non observando peccet æquè ac subditi contra speciale illam virtutem , ex cuius motivo Leges sunt latæ.

4.

Electio Episcoporum non competit , nec unquam competiuit Laicis.

5.

Electiōnē sui ad Prælaturam acceptare licetē non potest , qui ex occulto defectu se scit indignum.

6.

Ele^tus in Episcopum Germaniæ Voto & Sessione inter Status Imperii uti non potest absque Beneplacito Apostoli-

stolico : de quo tamen Electus in concordia facile præsumit , si casus peculiaris longiorem moram non patiatur , prout contigit in Electione Maximiliani II. in Regem Romanorum.

7.

Imperator Jus primiarum Precum non exercet legitimè absque Indultu Summi Pontificis.

8.

Si Jus conferendi Canonicatus , pertinens ad Ecclesiam , dividatur per Turnum inter Prælatum & Capitulum , Preces primariæ ab Imperatore interpositæ non consumunt Turnum illius , quem Ordo pro ea vice tangeret .

9.

Episcoporum Potestas Jurisdictionis immediatè est instituta à Christo , derivata tamen per Romanum Pontificem in reliquos Episcopos .

10.

Prælatus Ecclesiasticus in Germania per attentatum Matrimonium Prælatura sua excidit , etiam juxta Leges Imperii .

11.

Metus gravis Jure naturali invalidum reddit actum : ad hoc tamen requiritur , ut agens metui cesserit , & ex metu egerit . Ex defectu hujus requisiti frustra opponitur ille latus metus in Electione Urbani VI. Pontificis ; neque causa probabilis fuit inducendi in Ecclesiam fatale Schisma , demum ope Concili Constantiensis extinctum .

12.

Princeps Imperii in locum Acatholicum sibi subditum potest salva Pace Westphalica introducere publicum Exercitium Religionis Catholicæ , ac Templa in usum Catholicorum nova extruere , modò intactum maneat Exercitium ab anno normali 1624. ibi vigens .

13.

13.

Si Episcopus etiam cum consensu Capituli , cuidam promittat Feudum in casum aperturæ, Successor illius Episcopi non tenetur his promissis stare.

14.

Vassallus Imperii, eo quod tempore arctatus sit, à Vicariis Imperii tempore Interregni de Feudo suo investitus, Investituram à futuro Imperatore petere amplius non tenetur.

15.

Jura Superioritatis Territorialis in Territorio alieno competentia, utut qualitatem Status haud perimant, Superioritatem tamen limitant.

16.

Privilegio de non evocando, quale nonnulli prætendunt ex Aurea Bulla Brabantina, meritò se opponunt Status Imperii.

17.

De Justitia & validitate Recursū ad Comitia, utut in causa inter solos Protestantes vertente, tam Status Catholici, quam Protestantes judicant.

18.

Testamentum ex defectu solemnitatum pro foro externo irritum, retinet valorem pro foro interno , etiam post sententiam Judicis super nullitate latam, modò detur certitudo de voluntate Testatoris.

19.

Ut Clerici ex Reditibus Beneficialibus licet & validè testentur ad causas profanas , efficere potest consuetudo rationabilis : quod autem Consuetudo ita testandi per totam aliquam Dioecesim illimitatè vigens, sit rationabilis , difficile probatu est.

20.

20.

Decimæ, quæ sunt in manibus Laicorum , non præsumuntur penitus sacerdotalitatem, sed potius earum dominium directum præsumitur esse penes Ecclesiam.

21.

Actioni Pignoratitiæ per triginta annos non præscribitur.

22.

Neque debito indefinite contracto cum scientia Juris alieni.

23.

Si quis habens plures liberos , repudiet hæreditatem defuncti Fratris sui, isti liberi cum aliis defunctorum Thiorum liberis succedunt in Capita.

24.

Quando Germanorum Fratrum ac Sororum filii concurrunt cum Patruis unilateralibus , quos vi Legum excludunt, rectius dicuntur succedere in stirpes.



APPROBATIO.

Dissertationem hanc cum Corollariorum approbant, & typis vulgari posse censem

Antonius Schallenberger , S. J. SS. Theol. Prof.
Ord. & Sacræ Facultatis p. t. Decanus.

Joan. Georg. Weishaupt, J. U. D. Ser. Elect. Bav.
Consil. Instit. Imper. & Prax. Crim. Prof. Publ.
& Ord. ac p. t. Facult. Jur. Decanus.

